



BOSNA I HERCEGOVINA
FEDERACIJA BOSNE I HERCEGOVINE
GRAD ZENICA

Na osnovu člana 69. stav 2. tačka d) i 70. stav 1. 4. i 6. Zakona o javnim nabavkama („Službeni glasnik BiH“, broj: 39/14, 59/22, 50/24), u otvorenom postupku za nabavku pjenila, Gradonačelnik donosi:

ODLUKU
o poništenju postupka javne nabavke

Član 1.

Poništava se otvoreni postupak za nabavku pjenila, iz razloga što nijedna zaprimljena ponuda nije prihvatljiva, a u skladu sa članom 69. stav 2. tačka d) Zakona o javnim nabavkama.

Član 2.

Za izvršenje ove odluke zadužuje se i ovlašćuje Služba kabineta Gradonačelnika.

Član 3.

Ova odluka objavit će se na web-stranici Grada Zenica, u skladu sa članom 70. stav 6. Zakona o javnim nabavkama.

Član 4.

Ova odluka stupa na snagu danom donošenja.

OBRAZLOŽENJE

Postupak javne nabavke pokrenut je Odlukom o pokretanju postupka javne nabavke broj: 02-11-18915/25 od 15.09.2025. godine. Obavještenje o nabavci broj: 1355-1-1-139-3-210/25 objavljeno je na Portalu javnih nabavki dana 01.10.2025. godine kao i u Službenom glasniku BiH broj: 59/25 od 10.10.2025. godine.

Procijenjena vrijednost za predmetnu nabavku iznosila je 11.800,00 KM bez PDV-a.

U krajnjem roku za dostavu ponuda, Ugovorni organ zaprimio je dvije ponude, ponuda ponuđača „FINANC“ d.o.o. Mostar i „TEVE VARNOST ELEKTRONIKA“ d.o.o. Visoko koje su bile neprihvatljive.



BOSNA I HERCEGOVINA
FEDERACIJA BOSNE I HERCEGOVINE
GRAD ZENICA

Ponuda ponuđača "FINANC" d.o.o. Mostar ne ispunjava uslove iz tehničke specifikacije, jer se iz ponude odnosno kataloga proizvoda ne može utvrditi da je ponuđeno pjenilo komatibilno sa suhim hemijskim prahom za požare klase A,B. S obzirom da ponuda ponuđača ne ispunjava uslove iz tenderske dokumentacije, ista se odbacuje u skladu sa članom 68. stav 4. tačka i) Zakona o javnim nabavkama i ne ulazi u dalju evaluaciju ponuda.

Ponuđač „TEVE VARNOST ELEKTRONIKA“ d.o.o. Visoko je dostavio katalog za pjenu FOMTEC MB – 20 koja ne zadovoljava tehničke karakteristike koje su tražene u TD i to: koncentracija pjenila u TD tražena je 1%, a FOMTEC MB 20 ima koncentraciju 3% što je vidljivo u katalogu koji je dostavljen na stranici 8. ponude. S obzirom da ponuda ponuđača ne ispunjava uslove iz tenderske dokumentacije, ista se odbacuje u skladu sa članom 68. stav 4. tačka i) Zakona o javnim nabavkama i ne ulazi u dalju evaluaciju ponuda.

S obzirom na navedeno, Ugovorni organ poništava postupak javne nabavke u skladu sa članom 69. stav 2. tačka d) Zakona o javnim nabavkama.

POUKA O PRAVNOM LIJEKU

Protiv ove Odluke može se izjaviti žalba Uredu za razmatranje žalbi, putem Ugovornog organa: Grad Zenica, Služba za zajedničke poslove, Trg BiH 6, 72 000 Zenica, u roku od 10 (deset) dana od dana prijema Odluke.

Žalba se podnosi u 3 (tri) primjerka, kako bi mogla biti uručena izabranom ponuđaču, Uredu za razmatranje žalbi i Ugovornom organu.

Žalba se podnosi neposredno Ugovornom organu u pisanoj formi.

Broj: 02-11-18915-2/25

Datum: 18.11.2025. godine

DOSTAVLJENO :

- 2 x Ponuđač
- 1 x Služba za zajedničke poslove
- 1 x Tenderska dokumentacija
- 1 x a/a



GRADONAČELNIK:

Fuad Kasumović